

1 სექტემბერი

რიგითი XXI კვირა [I] მ6

2017 პარასკევი

1თეს 4,1-8; ფს 96; მთ 25,1-13

მაშ, იუხიზლეთ, რადგან
არც დღე იცით და არც საათი მთ 25,13

სიუხიზლისა და მღვიძარებისაკენ მოწოდება
ასრულებს იმ იგავს, რომლითაც იესო შეეცადა
წარედგინა ცათა სასუფეველის რეალობა. მასში
იგი წარმოდგება როგორც სიძე, რომელიც მზადაა
გასცეს მთელი თავისი სიყვარული და მიგვიწვი-
ოს თავისთან. იგი უღებს კარს მას ვისაც ლამპარი
უნთია და ზეთიც საკმარისად აქვს, ანუ, მას ვისაც
უყვარს იგი პირადად და ცხოვრებით ამტკიცებს ამ
სიყვარულს მისი მოსვლის მოლოდინში.



2 სექტემბერი

რიგითი XXI კვირა [I] მწ

2017

შაბათი

1თეს 4,9-11; ფს 97; მთ 25,14-30

ღმერთისგან ისწავლეთ
ერთუერთის სიყვარული 1თეს 4,9

წმიდა პავლე აღიარებს, რომ თესალონიკის საკრებულოს მორწმუნეებმა ისწავლეს ერთუერთის სიყვარული ღვთის სიყვარულით და მოუწოდებს მათ, გაიზარდონ ამ სიყვარულში. ხოლო ჩვენ, ჩვენს სამრევლოებში, საკრებულოებსა და ოჯახებში, ვისწავლეთ კი უფლისაგან ერთუერთის სიყვარული? განვაგრძოთ მამა ღმერთის სადიდებლად, ანდა ვეძიოთ ვინმე, ვინც გვასწავლის მას.



3

სექტემბერი

რიგითი XXII კვირადღე, «ა», [II], მწ

2017

კვირა

იერ 20,7-9; ფს 62; რომ 12,1-2; მთ 16,21-27

**ვისაც სურს მე გამოჰყვეს,
ჟარყოს თავისი თავი** მთ 16,24

თუკი მსურს მივყვე იესოს, ჩემი გული მისკენ მივაპყრო, ყური დავუგდო, დავყვე მის ჩანაფიქრს, მუდამ მის ახლოს ვიყო, მმართვეს დავივიწყო საკუთარი თავი, უნდა მოვცილდე ჩემს გეგმებს, მუდამ მისკენ უნდა მექონდეს მზერა მიპყრობილი, რომ არ დაგვარგო მისი ნაკვალევი და გავითავისო ცხოვრების მისეული წესი. საჭიროა მიყვარდეს იგი ყველაზე და ყოველივეზე მეტად. მოდი, სულო წმიდაო, შემეწიე.



4 სექტემბერი

რიგითი XXII კვირა [II] მწ

2017 ორშაბათი

1თეს 4,13-18; ფს 95; ლკ 4,16-30

სული უფლისა ჩემზეა ლკ 4,18

აი, იესო ებრაელთა სინაგოგაში კითხულობს
ნაწყვეტს ესაია წინასწარმეტყველის წიგნიდან,
რომელიც სწორედ მასზეა და გვიცხადებს მის
მისიას. ნამდვილად, წმიდა სულია მასში და იგიც
მოწმობს ამას გულმოწყალებითა და სიბრძნით
სავსე ცხოვრებით. ამის გამო, მრავალი შენატროდა
მას, სხვანი კი სდევნიდნენ. მადლობა, იესო, მთელი
კაცობრიობის სასიკეთოდ მამისადმი მიძღვნილი
შენი სიცოცხლისათვის.



5 სექტემბერი

რიგითი XXII კვირა [II] მწ

2017 სამშაბათი

1თეს 5,1-6.9-11; ფს 26; ლკ 4,31-37

შეგონეთ ერთმანეთს და
აღაშენეთ ერთმანეთი ^{1თეს 5,11}

წმიდა მოციქული პავლე მოგვიწოდებს,
ერთმანეთს შევეხიდოთ ოჯახებსა თუ ქრისტიანულ
საკრებულოებში, რათა ვიცხოვროთ იესოს
მოსაწონად, მუდამ მის სიყვარულში. ვიცხოვრებთ
შიშების გარეშე, მუდამ მის წინაშე, მაღლიერნი
მისი ჩვენთვის მოძღვნილი სიცოცხლისათვის,
ნათლისათვის, მშვიდობისათვის.



6 სექტემბერი

რიგითი XXII კვირა [II] მწ

2017 ოთხშაბათი

კოლ 1,1-8; ფს 51; ლკ 4,38-44

დიდძალი ხალხი ეძებდა მას ლკ 4,12

იესოს სიცოცხლე იქცა იმედის წყაროდ მრავალთათვის, მდაბალთა და საბრალოთათვის. იგი კვლავაც ამგვარი წყაროა მათთვის, ვისაც სწამს იგი. ისინი, ვინც სიყვარულით მიჰყვებიან იესოს, როგორც ყველა წმიდანი, იქცევიან იმედად და საყრდენად მრავალთათვის. მადლობა, აღმდგარო იესო, რომ მუდამ ჩვენთანა ხარ.



7 სექტემბერი

რიგითი XXII კვირა [II] მ6

2017 ხუთშაბათი

კოლ 1,9-14; ფს 97; ლკ 5,1-11

მან გვიხსნა სიბნელის ხელმოჭიდებისაგან კოლ 1,13

მამა ღმერთმა ჩვენ ქრისტიანებს უდიდესი საჩუქარი მოგვიძღვნა: საკუთარი ძის, იესო ქრისტეს რწმენა; და გვაძლიერებს და გვზრდის მასში სარწმუნოების საიდუმლოთა ნიჭით, განსაკუთრებით აღსარებითა და ეკლესიით. ამგვარად შეგვეძლება ვიცხოვროთ ყოველდღიურად იესოს ნათლითა და სიცოცხლით და შეგვეძლება გავუწოდოთ ის ყველა შემხვედრს. მადლობა, მამაო სახიერო და წმიდაო.



8 სექტემბერი

შობა ნეტარი მარადქალწული მარიამისა დ, [ს], თ

2017 პარასკევი

მიქ 5,1-4ა (ან, რომ 8,28-30); ფს 12; მთ 1,1-16.18-23

ვალეს კათოლიკური ეკლესიის დღეობა

ღვთის მოყვარულებს უოველივე
სასიკეთოდ შეეწყვათ რომ 8,28

ჩვენმა საერთო დედა მარიამმა ღმერთი შეიყვარა და არჩეულ იქნა მისგან, რათა ყველასათვის მიე-
ნიჭებინა მასში განკაცებული იესო. მან მის კვალში
იარა მუდამ, სიხარულსა თუ ტანჯვაში, რწმენით,
იმედიტა და სიყვარულით. შეძლო მიეღო ყველა
მდგომარეობა, როგორც ღვთის ნიჭი. მარიამი
ჩვენც გვასწავლის იესოს კვალში სიარულს.



9 სექტემბერი

რიგითი XXII კვირა [II] მწ

წმ. პეტრე კლავერი, ხუც., +1654

2017

შაბათი

კოლ 1,21-23; ფს 53; ლკ 6,1-5

რად აკეთებთ შაბათ დღეს იმას,
რაც ნებადართული არ არის? ლკ 6,2

ღმერთმა უბრძანა ებრაელებს სიყვარულით
წმიდაეყოთ შაბათი დღე. შაბათი იდგა, როცა იესოს
დამშეული მოწაფეები გზად კრეფავდნენ ყანებში
ხორბლის თავთავებს და ჭამდნენ მარცვლებს. იესო
ესარჩლება მათ. ამგვარად აცხადებს მამა ღმერთის
გულმოწყალებას შვილებისადმი. თითოეული
მცნება ღმერთს მოუცია მათი სიხარულისათვის.



10 სექტემბერი

რიგითი XXIII კვირადღე, «ა», [III], მწ

2017

ვ ვ ი რ ა

ებეკ 33,7-9; ფს 94; რომ 13,8-10; მთ 18,15-20

**თუ შენი ძმა შესცოდავს შენს წინააღმდეგ,
მიდი და აშხილე იგი** მთ 18,15

კვირადღეს მივდივართ წმიდა წირვაზე, რათა ვიზიეროთ იესოს აღდგომა და მივიღოთ მისი სიყვარული. ამიტომ, ვგრძნობთ ჩვენს ძმებზე პასუხისმგებლობას. როდესაც ვხედავთ, რომ მავანი უსამართლოდ გვიტევს, იმის ნაცვლად, რომ მასზე ცუდი ვთქვათ, გამოვეგებოთ მას და შევეცადოთ სხვადასხვა სახით, არა ერთხელ და ორჯერ, მოვურიგდეთ მას მართონი, ან სხვების დახმარებით, იესოს შემწეობის იმედით. ნეტარნი ვიქნებით, თუკი შეგვისმენს.



11 სექტემბერი

რიგითი XXIII კვირა [III] მწ

2017 ორშაბათი

კოლ 1,24 - 2,3; ფს 61; ლკ 6,6-11

შევიდა სინაგოგაში და დიწყო სწავლება ლკ 6,6

იესო, შენა ხარ ღვთის სიბრძნე, ერთადერთი მოძღვარი. შენ ასწავლი შენი სიტყვით და წმიდათა წმიდა ცხოვრებით. მადლობა, ჩვენს შორის ყოფნისათვის, განსაკუთრებით როცა შენი სახელითა ვართ შეკრებილნი; მადლობა, რომ შეგვიძლია ვისწავლოთ შენგან და შეგვიძლია გჭვრიტოთ შენ ძმებთან ერთად სახარების სმენისას.



12 სექტემბერი

რიგითი XXIII კვირა [III] მწ

მარიამის უწმინდესი სახელი

2017 სამშაბათი

კოლ 2,6-15; ფს 144; ლკ 6,12-19

როგორც მიიღეთ ქრისტე იესო უფალი,
ასევე იარეთ მასში კოლ 2,6

მიღებული მყავს კი იესო უფლად, ანუ არის თუ არა იგი ის, ვისაც მსურს დავემორჩილო? თუკი ამოვიცანი მისი სახიერება და ერთგულება, სიყვარულით დავყვები მას, იმ ძმებთან ერთად, მისი რომ სწამთ. ყოველდღიურად ვცხოვრობ მისდამი პატივის მისაგებად, მადლიერებითა და სიხარულით.



13 სექტემბერი

რიგითი XXIII კვირა [III], თ

წმ. იოანე ოქროპირი, ეპ. და ეკ. მოძ., +407,(მ)

2017 ოთხშაბათი

კოლ 3,1-11; ფს 144; ლკ 6,20-26

მაშ მოაკუდინეთ ის,
რაც მიწას ეკუთვნის კოლ 3,5

განწესებულნი ვართ იესოსთან ერთად ზეცის
დიდებისათვის; იმისათვის რომ ეს მოხდეს
საჭიროა მივატოვოთ ყოველგვარი ამქვეყნიური
ქცევა და შევუდგეთ იესოს, მივატოვოთ სიამე და
სიბოროტე, და გულში ჩავიკრათ ჯვარი, მისივე
სიტყვისამებრ. თავად შეგვეწევა.



14 სექტემბერი

ჯვართამაღლება, დ, [ს], წ

2017 ხუთშაბათი

რცხ 21,4-9 (ან, ფილიპ 2,6-11); ფს 77; იო 3,13-17

უნწის საკრებულოს დღესასწაული

ისე შეიყვარა ღმერთმა წყუთისოფელი,
რომ მისცა მას თავისი შხოლოდშობილი ძე იო 3,16

მადლობას გწირავთ მამაო წმიდაო და სახიერო,
რომ ისე გიყვარვართ, რომ გვჩუქნი შენს საყვარელ
ძეს, შენს თვალის ჩინს. იგია შენი ნეტარება. მას
სთხოვე ჩვენთვის მოეცა თავისი სიცოცხლე ჯვარზე
სიკვდილით. შეგვეწიე, მივიღოთ იგი, რათა ჩვენც
შევძლოთ გადიდოთ და გაკურთხოთ აწ და მარადის.



15 სექტემბერი

რიგითი XXIII კვირა [III]

მგლოვიარე ნეტ. ქალწ. მარიამი (მ), [ს], თ

2017

პარასკევი

ებრ 5,7-9; ფს 30; იო 19,25-27 ან, ლკ 2,33-35

არალში შუა ფარების კათოლიკური ეკლესიის დღეობა

შენს სულში მახვილი გაივლის ლკ 2,35

ამ სიტყვებით სიმეონი უწინასწარმეტყველებს ყოვლადწმიდა მარიამს, ტაძრად რომ მისულიყო იოსებთან და ჩვილთან ერთად განწმედის რიტუალისთვის, თუ რად დაუჯდება მას ღვთის ძის გვერდით ცხოვრება. მან, რომელმაც ყველა სხვა ქმნილებაზე მეტად შეიყვარა იგი, სხვაზე მეტად მიიღებს მონაწილეობას მისი ერისაგან ძალადობით უკუგდების ხილვის ტანჯვაში. მისი ტკივილი, რომელიც ჰგავს მისი შვილის ტკივილს, აქცევს მას თანამოღვაწედ წუთისოფლის დახსნაში.



16 სექტემბერი

რიგითი XXIII კვირა [III], 6

წმმ. კორნელიუს პაპი, +253 და
კვიპრიანე ეპ., +258, ნამებულნი (მ)

2017

შაბათი

1ტიმ 1,15-17; ფს 112; ლკ 6,43-49

მ. მიხეილ თამარაშვილის მოხსენიება (+1911)

ქრისტე იესო მოვიდა წუთისოფელში
ცოდვილთა სახსნელად ^{1ტიმ 15}

წმიდა პავლე, წუთისოფლად ცოდვილთა
სახსნელად მოსული იესოს გულმოწყალების
მიღებით დააგემოვნა დახსნის სიხარული. იესომ
აავსო იგი სიკეთეებით საკუთარი სიცოცხლის
მიძღვნით. ამის გამოა რომ აღავლენს სიხარულის
საგალობელს: „საუკუნეთა მეფეს უხრწნელს,
უხილავს და ერთადერთ ღმერთს, პატივი და
დიდება უკუნითი უკუნისამდე. ამენ“.



17 სექტემბერი

რიგითი XXIV კვირადღე, «ა», [IV], მწ

2017

ვ ვ ი რ ა

ზირ 27,30 - 28,7; ფს 102; რომ 14,7-9; მთ 18,21-35

**თუკი ჩემი მზა აშავენს ჩემს წინააღმდეგ,
რამდენჯერ უნდა მიუყუტევო მას?** მთ 18,21

პეტრემ მშვენივრად უწყოდა, რომ ძმური ცხოვრება ხშირად განსაცდელს გადის ხოლმე სხვადასხვა კონფლიქტებით. ამიტომაც, რომ მიმართავს იესოს ამ კითხვით. იესოც პასუხობს, რომ მიტევება უნდა გაიცეს უპირობოდ და მუდამ. ამგვარად მას შეუძლია მუდამ იმყოფებოდეს და გამოავლინოს მისი სახელით ერთად ცხოვრების მშვენიერება.



18 სექტემბერი

რიგითი XXIV კვირა [IV] მწ

2017 ორშაბათი

1ტიმ 2,1-8; ფს 27; ლკ 7,1-10

იესო მათთან ერთად დაადგა გზას ლკ 7,6

იესო მუდამ მზადაა თანალმობისათვის, როდესაც მიმართავენ მას მდაბალი და წრფელი გულით. სახარება, რომელსაც ეკლესია გვიკითხავს დღეს, გვიჩვენებს ამას. მაშ სრული სასოებით მივე-ახლოთ მას, როგორც ასისტანტის შიკრიკები, რათა მივიღოთ მადლი და გპოვოთ გულმოწყალება. მადლობა იესო, რომ ხარ.



19 სექტემბერი

რიგითი XXIV კვირა [IV], მწ

წმ. იანუარიუსი, ეპ. და წამ., +IVს

2017 სამშაბათი

1ტიმ 3,1-13; ფს 100; ლკ 7,11-17

ღმერთმა ინახულა თავისი ერი ლკ 7,16

ხალხი, რომელიც შეესწრო ნაინის ქვრივის შვილის გაცოცხლებას, ამ სიტყვებით გამოხატავს გაოგნებას. თითქოს ამბობს, რომ იესო, კაცი მათ შორის მყოფი, ჭეშმარიტი ღმერთიაო: და ასეცაა! იესო დღესაც იმყოფება თავის ეკლესიაში და გვიცხადებს მამის სიყვარულს: მაღლიერნი ვართ მისნი!



20 სექტემბერი

რიგითი XXIV კვირა [IV] 6

წმმ. ანდრეა კიმ ტაევონის, +1839

პავლე ხონგჰასანგისა +1839 და მეგ., წამ. (მ)

2017 ოთხშაბათი

1ტიმ 3,14-16; ფს 110; ლკ 7,31-35

მიღებული იქნა სოფელში რწმენით
და ამაღლდა დიდებაში 1ტიმ 3,16

წმიდა პავლე საუბრობს იესოზე. მან თავი დაიმდა-
ბლა ჯვარზე სიკვდილამდე, უმიზეზოდ დევნილმა,
ახლა კი მამის მარჯვნივ ზის დიდებაში. ჩვენცა
ვართ მის მორწმუნეთა რიცხვში და ამისათვის
მადლობას ვუძღვნიტ მას. პატივს მივაგებთ სიყვა-
რულით მორჩილებაში. სულს წმიდაო, მოდი და
შეგვეწიე, შევიყვაროთ იესო!



21 სექტემბერი

წმ. მათე,
მოციქული და მახარებელი, დ, [ს], წ

2017 ხუთშაბათი

ეფ 4,1-7.11-13; ფს 18; მთ 9,9-13

წყალობა მსურს და არა მსხვერჯი მთ 9,13

იესო წინასწარმეტყველთა დამოწმებით აცხადებს ღიად, რომ ღმერთთან თანაზიარება ხორციელდება პირველ რიგში ცოდვილთა მიმართ გულმოწყალე განწყობით, და არა ტაძარში შეწირული საკლავით. მადლობა, იესო, რომ მომიხმობ გულმოწყალები-საკენ ცოდვილთა და შორეულთა მიმართ და, რომ მზადა ხარ მიიღო ყველა. მადლობა, რომ მათ, ვინც თავმდაბლობით მოგეახლებიან შენ, აგემებ ღმერთის სიყვარულს.



22 სექტემბერი

რიგითი XXIV კვირა [IV] მწ

2017

პარასკევი

1ტიმ 6,2-12; ფს 48; ლკ 8,1-3

იღვაწე რწმენის კეთილი ღვაწლით ^{1ტიმ 6,12}

თავისი თანამოღვაწე ტიმოთესადმი მიმართული წმიდა პავლეს ეს მოხმობა, სხვა მრავალთან ერთად, გვჭირდება ჩვენც, მეც და შენც და ყველა მორწმუნეს. იმისათვის რომ ვიცხოვროთ იესოს რწმენით, მმართვეს მღვიძარება, ღოცვაში გამძლეობა, მისი სიტყვის სმენა გულის ყურით, წინაღობათა და ცდუნებათა დაძლევა, თავმდაბლობითა და ქმედით სიყვარულით ყველას მიმართ.



23 სექტემბერი

რიგითი XXIV კვირა [IV], თ

წმ. პიო პიეტრელჩინელი, ხუც., +1968 (მ)

2017

შაბათი

1ტიმ 6,13-16; ფს 99; ლკ 8,4-15

მარცვალ ღვთის სიტყვან ლკ 8,11

მადლობა, იესო, იმ სიტყვისათვის, შენ რომ დათესე ჩემს გულში. მადლობა, რომ შემეწიე დამეფასებინა, დამეცვა, მეძებნა, მცვარებოდა და მელოცა ის. მადლობა მოთმინების, სახიერების, შენი მიბაძვის წყურვილის უხვი ნაყოფისათვის, შენმა სიტყვამ რომ მომანიჭა.



24 სექტემბერი

რიგითი XXV კვირადღე, «ა», [I], მწ

2017

კვირა

ეს 55,6-9; ფს 144; ფილიპ 1,20-24.27; მთ 20,1-16

რად დგახართ აქ მთელი დღე უქმად? მთ 20,6

ვენახის პატრონი გაკვირვებულია იმით, რომ ნა-
შუადღევს ხუთ საათზე კვლავაც არიან დაუსაქმე-
ბელი მუშები. მან უწყის, რომ ისინი უსაქმურობის
გამო არ დგანან იქ, არამედ იმიტომ, რომ არავის
აუყვანია ისინი სამუშაოდ. მადლობა, მამაო სახი-
ერო, რომ მეც ჩამრთე შენს ვენახში, მიუხედავად
ჩემი ნიჭისა თუ რწმენის ნაკლებობისა. მადლობა,
რომ მეც დამაგემოვნებინე შენი სახლის სიხარული.



25 სექტემბერი

რიგითი XXV კვირა [I] მწ

2017 ორშაბათი

ებდ 1,1-6; ფს 125; ლკ 8,16-18

დაუკვირდით, როგორ ისმენთ ლკ 8,18

იესო, მადლობა ამ გაფრთხილებისათვის; შენ
გსურს, რომ შენი სიტყვა ბრწყინავდეს ჩვენს
ცხოვრებაში, რომ შენი სიბრძნე გამოჩნდეს ჩვენში;
შეგვეწიე, რათა ვინც ჩვენ შეგვხვდება, მიიღოს შენი
სიყვარულის მოწმობა!



26 სექტემბერი

რიგითი XXV კვირა [I] 6

ნმ. დიდმონაშე ქეთევანი, ნამ. +1624;
ნმმ. კოზმა და დამიანე, ნამ. +IVს; ნ. ლუიჯი ტეცა, +1923,
კამილიელ დედათა კონგრეგაციის დამაარსებელი

2017 სამშაბათი

ებდ 6,7-8.12.14-20; ფს 121; ლკ 8,19-21

მ. გაბრიელ ასლანაშვილის გახსენება (+1930)

ისინი არიან, ვინც ისმენენ ღვთის სიტყვას ლკ 8,21

იესო დღეს გვაძლევს ერთ საბომს იმის გასაგებად,
ვართ თუ არა მისი ნამდვილი ოჯახის წევრები,
მასთან თანაზიარებაში: ვისმენტ კი ღვთის სიტყვას
და ვასხამთ მას ხორცს ჩვენს ცხოვრებაში?
მაშინ ვიქნებით მისი ძმები, დები და დედები.
მადლობა, იესო, ამ ნათლისათვის.



27 სექტემბერი

რიგითი XXV კვირა [I] თ

წმ. ბიკენტი დე პოლი, ხუც., +1660, (მ)

2017 ოთხშაბათი

ეზმდ 9,5-9; საგ.: ტობ 13,2-5; ლკ 9,1-6

მისცა მათ ხელმოწიფება ყველა ეშმაკზე ლკ 9,1

მრავალ ქრისტიანს უჭირს ეშმაკის არსებობის და-
ჯერება. ურიგო ნიშანი როდია, ეს ნიშნავს, რომ მათ

არ ჰქონიათ მისი პირდაპირი გამოცდილება;
ცუდი ნიშანიცაა: როგორც ჩანს ჯერაც არ უსწა-
ვლიათ ღმერთის ნამოქმედარის გარჩევა მტრის
ნამოქმედარისაგან.

ეკლესიამ მიიღო და აკისრია ძალზე მნიშვნელო-
ვანი, ძვირფასი და რთული დავალება: გაათავი-
სუფლოს მორწმუნეები იმისი ძალაუფლებისაგან,
ვისაც სურს მათი გაყოფა და განადგურება.



28 სექტემბერი

რიგითი XXV კვირა [I] მწ

ნმ. ვიქსლავი, ნამ. +935;

ნმმ. ლავრენტი რუის და მეგ., ნამ. +1633-35;
(15.IX) ნმ. იოსებ ალავერდელი, IVს.

2017 ხუთშაბათი

ანგ 1,1-8; ფს 149; ლკ 9,7-9

მოვიწონებ და დიდებით გამოჟინდები ანგ 1,8

ამ სიტყვებით უფალი მოგვიწოდებს ერთობლივად
თანავიღვაწოთ, წმიდანთა დარად, ეკლესიის
აღსაშენებლად, ისე, რომ მოეწონოს მას იგი
და გამოავლინოს მასში თავისი სიყვარული.
სულო წმიდაო, შეგვეწიე!



29 სექტემბერი

წმმ. მიქაელ, გაბრიელ და რაფაელ
მთავარანგელოსნი, დ, [ს], თ

2017

პარასკევი

დან 7,9-10.13-14 (ან, გამოცხ 12,7-12); ფს 137; იო 1,47-51

ამაზე შეტყაყ იხილავ იო 1,50

იესო თავისი ნამოქმედარით როდი ტრაბახობს, არც სასწაულებით, არც თავისი სიბრძნით. იგი შურიანი როდია, ხარობს, როდესაც ეკლესია კვლავაც გასცემს ღვთის სიყვარულსა და დაამოწმებს მას, ნიშნებითა და სასწაულებით. თავად მიუძღვის მას თავისი სიახლოვით. მთავარანგელოზნი არიან ნიშანი და ძღვენი, რომლითაც მამა თან ახლავს თავის შვილებს როგორც მოწმეების (მიქაელი), მაუწყებლებს (გაბრიელი), ქმედითი სიყვარულის მსახურებს (რაფაელი)!



30 სექტემბერი

რიგითი XXV კვირა [I], თ

წმ. იერონიმე, ხუც. და მოძ., +420 (მ)

2017

შაბათი

ბაქ 2,5-9.14-15; საგ.: იერ 31,10-12.13; ლკ 9,43-45

იგი უნს წიაღში მკვიდრობს ბაქ 2,15

ბაქარიას წინასწარმეტყველება, ყველა ხალხებში
მიმოფანტულ ღვთის შვილთა შესაკრებად
მამისაგან მოვლენილ იესოს ეხება. ისინი, ვისაც
სწამთ ღვთის ძე, შექმნიან მის ახალ ერს, ეკლესიას,
და იგი იმკვიდრებს მუდამ მასში, რათა წარუძღვეს
და შეეწიოს მას.

